

SPECIFIKIME TEKNIKE

PER OBJEKTIN

**“RIKONSTRUKSION I RRUGES AUTOMOBILISTIKE NE NJESITE
ADMINISTRATIVE, BASHKIA GRAMSH**

TË PËRGJITHSHME

Zëvendësimet

Zëvendësimi i materialeve të specifikuara në Dokumentin e Kontratës do të bëhet vetëm me aprovimin e Mbikëqyrësit të Punimeve nëse materiali i propozuar për tu zëvendësuar është i njëjtë ose më i mirë se materialet e specifikuara; ose nëse materialet e specifikuara nuk mund të sillen në sheshin e ndërtimit në kohë për të përfunduar punimet e Kontratës për shkak të kushteve jashte kontrollit të Sipërmarrësit. Që kjo të merret në konsideratë, kërkesa për zëvendësim do të shoqërohet me një dokument dëshmi të cilësisë, në formën e kuotimit të çertifikuar dhe të datës së garancisë të dorëzimit nga furnizuesit e të dy materialeve, si të materialit të specifikuar ashtu edhe të atij që propozohet të ndryshohet.

Dokumentat dhe vizatimet

Sipërmarrësi do të verifikojë të gjitha dimensionet, sasinë dhe detajet të treguara në Vizatimet, Grafikët, ose të dhëna të tjera dhe Punëdhënësi nuk do të mbajë përgjegjësi për ndonjë mangësi ose mospërputhje të gjetur në to. Mos zbulimi ose korrigjimi i gabimeve ose mospërputhjeve nuk do ta lehtësojë Sipërmarrësin nga përgjegjësia për punë të pakënaqëshme.

Kostot e sipërmarrësit për mobilizim dhe punime të përkohëshme

Do të kihet parasysh që Sipërmarrësit nuk do t'i bëhet asnjë pagesë mbi çmimet njësi të kuotuar për kostot e mobilizimit, d.m.th. për sigurimin e transportit, dritën, energjinë, veglat dhe pajisjet, ose për furnizimin e godinës dhe mirëmbajtjen e impjanteve të ndërtimit, rrugëve të hyrjes, të komoditeteve sanitare, heqjen e mbeturinave, punën, furnizimin me ujë, mbrojtjen kundra zjarrit, bangot e punës, rojet, rrjetin telefonik si dhe struktura të tjera të përkohëshme, pajisje dhe materiale, ose për kujdesin mjekësor dhe mbrojtjen e shëndetit, ose për patrullat dhe rojet, ose për ndonjë shërbim tjetër, lehtësi, gjëra, ose materiale të nevojshme ose që kërkohen për zbatimin e punimeve në përputhje me atë që është parashikuar në Kontratë.

Hyrja në sheshin e ndërtimit

Sipërmarrësi duhet të organizojë punën për ndërtimin, mirëmbajtjen dhe më pas të spostojë dhe ta rivendosë çdo rrugë hyrje që do të duhet në lidhje me zbatimin e punimeve. Çvëndosja do të përfshijë përshtatjen e zonës me çdo rrugë hyrje dhe së paku me shkallë sigurie, qëndrueshmëri dhe të kullimit të ujrave sipërfaqësorë të njëjtë me atë që ekzistonte

përpara se Sipërmarrësi të hynte në Shesh.

Piketimi i punimeve

Sipërmarrësi, me shpenzimet e tij duhet të bëjë ndërtimin e modinave dhe të piketave siç kërkohet, në përputhje me informacionin bazë të Punëdhënësit, dhe do të jetë përgjegjësi i vetëm për përpikmërinë. Sipërmarrësi do të jetë përgjegjës për të kontrolluar dhe verifikuar informacionin bazë që i është dhënë, dhe në asnjë mënyrë nuk do të lehtësohet nga përgjegjësia e tij nëse një informacion i tillë është i mangët, jo autentik ose jo korrekt. Ai ndërkohë do të jetë subjekti që do të kontrollohet dhe rishikohet nga Punëdhënësi, dhe në asnjë rast nuk i jepet e drejta të bëjë ndryshime në vizatimet e kontratës, për asnjë lloj kompensimi për korrigjimet e gabimeve ose të mangësive të pa miratuara nga mbikëqyresit dhe investitori. Sipërmarrësi do të furnizojë dhe mirëmbajë me shpenzimet e tij, rrethimin dhe materiale të tjera të tilla dhe të japë asistencë nëpërmjet një stafi të kualifikuar siç mund të kërkohet nga Punëdhënësi për kontrollin e modinave dhe piketave.

Sipërmarrësi do të ruajë të gjitha pikat e akseve, modinat, shenjat e kuotave, të bëra ose të vendosura gjatë punës, të mbulojë koston e rivendosjes së tyre nëse ato dëmtohen dhe të mbulojë të gjitha shpenzimet për ndreqjen e punës së bërë jo mirë për shkak të mosmirëmbajtjes ose mbrojtjes ose spostimit pa autorizim të këtyre pikave të vendosura, modinave dhe piketave.

Përpara çdo aktiviteti ndërtimor, Sipërmarrësi do të ketë linjat e furnizimit me ujë dhe energji elektrike të vendosura në terren, të drejtën e kalimit të qartë dhe të sheshuar, gati për fillimin e punimeve. Çdo punë e bërë jashtë akseve, kuotave dhe kufijve të treguara në vizatime ose të mosmiratuara nga Punëdhënësi nuk do të paguhet, dhe Sipërmarrësi do të mbulojë me shpenzimet e tij gërmimet shtesë gjithmonë nën drejtimin e Mbikëqyrësit të Punimeve.

Fotografitë e sheshit të ndërtimit

Sipërmarrësi duhet të bëjë fotografi me ngjyra sipas udhëzimeve të Mbikëqyrësit të Punimeve në vendet e punës për të demonstruar kushtet e sheshit përpara fillimit, progresin gjatë punës së ndërtimit dhe mbas përfundimit të punimeve. Nuk do të bëhen pagesa për fotografimin e kantierit të punimeve pasi këto shpenzime janë parashikuar të mbulohen nën koston administrative të Sipërmarrësit.

Bashkëpunimi në zonë

Ndërtimi do të bëhet në zona të kufizuara. Sipërmarrësi duhet të ketë veçanërisht kujdes në: a) nevojën për të mirëmbajtur shërbimet ekzistuese dhe mundësitë e kalimit për banorët dhe tregëtarët që janë në zonë, gjatë periudhës së ndërtimit. b) prezencën e mundëshme të kontraktorëve të tjerë në zonë me të cilët do të koordinohet puna. E gjithë puna, do të bëhet në një mënyrë të tillë, që të lejojë hyrjen dhe përballimin e të gjithë pajisjeve të mundëshme për ndonjë Kontraktor tjetër dhe punëtorëve të tij, stafin e Punëdhënësit si edhe të çdo punonjësi që mund të punësohet në zbatim dhe, ose punimet në zonë ose pranë saj, për çdo objekt që ka lidhje me Kontratën ose çdo gjë tjetër.

Në përgatitjen e programit të tij të punës, Sipërmarrësi gjatë gjithë kohës do të bëjë llogari të plotë dhe do të koepërojë me programin e punës së Kontraktorëve të tjerë, në mënyrë që të shkaktojë një minimum interference me ta dhe me publikun.

Mbrojtja e punës dhe e publikut

Sipërmarrësi do të marrë masa paraprake për mbrojtjen e punëtorëve të punësuar dhe të jetës publike, si edhe të pasurive në dhe rreth sheshit të ndërtimit. Masat e sigurimit paraprak të dokumentuara sipas ligjeve të aplikushme, kodeve të ndërtimit dhe ato të respektohen. Makineritë, pajisjet dhe çdo rrezik do të kqyren ose eliminohen në përputhje me masat paraprake të sigurimit.

Gjatë zbatimit të punimeve Sipërmarrësi, me shpenzimet e veta, duhet të vendosi dhe të mirëmbajë gjatë nates pengesa të tilla dhe drita të cilat do të parandalojnë në mënyrë efektive aksidentet. Sipërmarrësi duhet të sigurojë pengesa të përshtatëshme, shenja me dritë të kuqe “rrezik” ose “kujdes” dhe vrojtues në të gjitha vendet ku punimet mund të shkaktojnë çrregullime të trafikut normal ose që përbëjnë në ndonjë mënyrë rrezik për publikun.

Mbrojtja e ambjentit

Sipërmarrësi, me shpenzimet e veta, duhet të ndërmarrë të gjithë veprimet e mundëshme për të siguruar që ambjenti lokal i sheshit të ruhet dhe që vijat e ujit, toka dhe ajri (duke përfshirë edhe zhurmat) të jenë të pastra nga ndotja për shkak të punimeve të kryera. Mosplotësimi i kësaj klauzole, në bazë të evidentimit nga Mbikëqyrësi i Punimeve, mund të çojë në ndërprerjen e kontratës.

Kopjimi i vizatimeve (vizatimet siç është zbatuar)

Sipërmarrësi duhet të përgatisë vizatimet për të gjitha punimet “siç janë faktikisht zbatuar” në terren. Vizatimet do të bëhen në një standart të ngjashëm me atë të vizatimeve të

Kontratës. Gjatë zbatimit të punimeve në kantier, Sipërmarrësi do të ruajë të gjithë informacionin e nevojshëm për përgatitjen e “Vizatimeve siç është zbatuar”. Këto vizatime do të azhurnohen në mënyrë të vazhdueshme dhe do t’i dorëzohen Mbikëqyrësit të Punimeve çdo muaj për aprovim, pasi Punimet të kenë përfunduar, sëbashku me kopjen përfundimtare. Materiali mujor do të dorëzohet në kopje letër.

Vizatimet e riprodhuara do të përfshijnë pozicionin dhe shtrirjen e të gjithë konstruksioneve mbajtëse të lëna gjatë germimeve dhe vendosjen ekzakte të të gjitha shërbimeve që janë ndeshur gjatë ndërtimit për të gjitha punimeve të gërmimit.

Si përfundim, kopjet e riprodhuara të Vizatimeve, “siç është zbatuar” do t’i dorëzohen Mbikëqyrësit të Punimeve për aprovim. Vizatimet, “siç është zbatuar”, të aprovuara, do të bëhen pronë e Punëdhënësit. Nuk do të bëhen pagesa për bërjen e Vizatimeve “siç është zbatuar” dhe Manualeve, pasi kostoja e tyre është parashikuar të mbulohet nga shpenzimet administrative të Sipërmarrësit.

Pastrimi përfundimtar i zonës

Në përfundim të punës, sa herë që është e aplikueshme Sipërmarrësi, me shpenzimet e tij, duhet të pastrojë dhe të heqë nga sheshi të gjitha impiantet ndërtimore, materialet që kanë tepruar, mbeturinat, skeleritë dhe ndërtimet e përkohëshme të çdo lloji dhe të lërë sheshin e lirë dhe veprat të pastra dhe në kondita të pranueshme. Pagesa përfundimtare e Kontratës do të mbahet deri sa kjo të realizohet dhe pasi të jepet miratimi nga Mbikëqyrësi i Punimeve.

Provat

Ky seksion përfaqëson procedurat e kryerjes së provave për materialet, me qëllim që të sigurojë cilësinë dhe qëndrueshmerinë në përputhje me kërkesat e Specifikimeve.

PER PROJEKTIN

Projekti I këtij objekti është hartuar mbi bazen verifikimit e matjeve të bera në vend, kryesisht për pjeset e segmente të cilat kërkojnë ndërhyrje emergjente për meremetime në mënyrë që rruga të bëhet e kalueshme nga automjetet.

Në projekt është paraqitur planimetria sipas gjurmës së rrugës prej 7.2km me përshkrim punimesh për segmentet për të cilat është menduar të kryhen ndërhyrje për riparime sipas detajeve të dhëna në prerjet terthore të vecanta të tipit.

PER PROCESET E PUNIMEVE

1. PUNIME BETONI

Puna e mbuluar nga ky seksion i specifikimeve konsiston në furnizimin e gjithë kantierit, punën, pajisjet, veglat dhe materialet, dhe kryerjen e të gjitha punimeve, në lidhje me hedhjen, kujdesin, përfundimin e punës së betonit dhe hekurin e armimit në përputhje rigoroze me projekt zbatimin. Në fillim të Kontratës Sipërmarrësi duhet të paraqesë për miratim tek Mbikëqyrësi i Punimeve një njoftim për metodat duke detajuar, në lidhje me kërkesat e këtyre Specifikimeve, propozimet e tij për organizimin e aktiviteteve të betonimit në shesh (teren).

Sipërmarrësi do të punësojë inxhinier të kualifikuar, të specializuar dhe me eksperiencë, i cili do të jetë përgjegjës për kontrollin e cilësisë të të gjithë betonit. Materialet dhe mjeshhtëria e përdorur në punimet e betonit duhet të jetë e një cilësie sa më të lartë që të jetë e mundur.

Asnjë proces betonimi nuk duhet të kryhet derisa Mbikëqyrësi i Punimeve të ketë inspektuar dhe aprovuar (nëse është e mundur) germimin, masat e marra për mbrojtjen nga kushtet atmosferike, masat për shpërndarjen e ujit për freskim dhe staxhionim, armaturat, ndalimin e ujit, fugat ndërtimore dhe fiksimin e fundeve dhe masa të tjera, armimin dhe çështje të tjera që duhet të fiksohen, si dhe të gjitha materialet e tjera për betonimin dhe masa të tjera në përgjithësi. Sipërmarrësi duhet t'i japë Mbikëqyrësit të Punimeve njoftime të arsyeshme për të bërë të mundur që ky inspektim të kryhet.

Sipërmarrësi duhet të sigurojë për qëllimet e provave një se 3 kubikësh për çdo strukturë betoni, përfshirë derdhje betoni nga 1-15 m³. Për derdhje betoni me shumë se 15 m³ dhe sipërmarrësi duhet të sigurojë të paktën një set shtesë 3 kubikësh për çdo 30 m³ shtesë.

Betoni duhet të lëvizet nga vendi i përgatitjes në vendin e vendosjes përfundimtare sa më shpejt në mënyrë që të pengohet ndarja ose humbja e ndonjë përbërësi.

Sipërmarrësi duhet të ketë aprovimin e Mbikëqyrësit të Punimeve për masat e propozuara përpara se të fillojë betonimin. Të gjitha vendet e hedhjes dhe të ngjeshjes së

betonit, duhet të mbahen në mbikëqyrje të vazhdueshme nga pjesëtarët përkatës të ekipit të Sipërmarrësit.

Sipërmarrësi duhet të ndjekë nga afër ngjeshjen e betonit, si një punë me rëndësi të madhe, objekt i të cilit do të jetë prodhimi i një betoni të papërshkueshëm nga uji me një densitet dhe fortësi maximale. Betoni duhet të hidhet sa është i freskët dhe para se të ketë fituar qëndrueshmërinë fillestare, dhe në çdo rast jo më vonë se 30 minuta pas përzjerjes.

Ne zerin “Struktura betoni C 12/15”, përfshihen teresia e shpenzimeve të punëtorise, manovratoreve e makinerive që do të përdoren për germimin, transportin, hedhjen dhe ngjeshjen në vendin e parashikuar në projekt, sikurse përcaktohet në analizen 3.240. Betoni do të realizohet me rere të lare, zall I lare lavatrice i fraksionuar, dhe cemento 32.5N. Cmimi është për 1 m³ material shkëmbor të ngjeshur sipas projektit dhe e matur në vend.

Ne zerin “Mbushje me gure të germuar me parë”, përfshihen teresia e shpenzimeve të punëtorise, manovratoreve e makinerive që do të përdoren për germimin, transportin, hedhjen dhe ngjeshjen në vendin e parashikuar në projekt, sikurse përcaktohet në analizen 3.353. Cmimi është për 1 m³ material shkëmbor të ngjeshur sipas projektit dhe e matur në vend.

Ne zerin “Mur guri ll/c M-50 në puseta e tombino”, realizohet me gure të forte mbi 200kg/cm², të lidhur me llac cemento m-50, që përgatitet me rere të lare lavatriceje e cemento 32.5N, në raporte 1:4,5. Në cmim përfshihen shpenzimet e blerjes, transportit, furnizimit si dhe ato të punëtorise, mjeteve të punës të nevojshme për realizimin me cilësi të 1m³ muri të përfunduar e të matur në objekt.

Ne zerin “Mur mbajtës me gure të thate”, Realizohet me gure të forte mbi 200kg/cm², të punuar e vendosur në mënyrë radhore e të lidhur mirë me njëri tjetrin për sistemin dhe mbrojtjen dhe mbështetjen e strukture mbajtëse të urave në ngjajshmeri me ata egzistues. Në cmim përfshihen shpenzimet për blerjen, furnizimin e materialeve në objekt si dhe shpenzimet e punëtorise për realizimin e procesit me cilësi të mirë. Cmimi është për 1m³ mur të përfunduar e matur në objekt.

2. PUNIME GERMIMI

Ky seksion përmban përcaktimet e përgjithshme dhe kërkesat për punimet e

gërmimeve në tokë (në vëllim dhe/ose me shtresa) dhe gërmimet për struktura në kanale, përfshirë gërmim nën ujë. Më tej ajo mbulon të gjitha punimet që lidhen me konstruksionin e prerjeve, largimin e materialeve të papërshtatshme në hedhurina, dhe rifiniturat e shpatit të prerjes. Gërmimi në dhera duhet të aplikohet në të gjitha materialet që do të gërmohen me makineri.

Gërmimi duhet të kryhet në përputhje me nivelet dhe vijën e prerjeve siç tregohet në Vizatime. Çdo thellësi më të madhe të gërmuar nën nivelin e formacionit, brenda tolerancës së lejuar, duhet të bëhet mirë me mbushje me materiale të pranueshme me karakteristika të ngjashme nga Sipërmarrësi me shpenzimet e tij.

Të gjitha zonat horizontale të gërmuara, duhet të ngjeshen me një minimum dendësie të thatë prej 95% për dhera të shkrifët dhe 90% për dhera të lidhur.

Sheshi ku do të gërmohet, do të pastrohen nga të gjitha shkurret, bimët, ferrat, rrënjët e mëdha, plehrat dhe materiale të tjera sipërfaqësore. Të gjithë këto materiale do të spostohen dhe largohen në mënyrë që të jetë e pëlqyeshme për Punëdhënësin. Të gjitha pemët dhe shkurret që janë pëcaktuar nga Punëdhënësi që do të ngelen do të mbrohen dhe ruhen në mënyrën e aprovuar.

Ne zerin “Gërmim dheu seksion I lire”, përfshihen teresia e shpenzimeve të nevojshme të punëtorisë, dhe të mjeteve që do të përdoren për realizimin e këtij procesi, sikurse përcaktohet në analizen 3.17. Cmimi është për 1m³ dhe të gërmuar sipas dimensioneve të përcaktuara në projekt, të zhvendosur nga pjesa kaluese e rrugës dhe e matur në vend.

Ne zerin “Gërmim dheu kanal me krahe”, përfshihen teresia e shpenzimeve të nevojshme të punëtorisë, dhe mjeteve që do të përdoren për realizimin e këtij procesi, sikurse përcaktohet në analizen 3.44/1. Cmimi është për 1m³ dhe të gërmuar sipas dimensioneve të përcaktuara në projekt, të zhvendosur nga pjesa kaluese e rrugës dhe e matur në vend.

Ne zerin “Gërmim dheu eskavator zinxhir 0.25m³ kanal b<2m”, përfshihen teresia e shpenzimeve të nevojshme të punëtorisë, manovratoreve e makinerisë që do të përdoret për realizimin e këtij procesi siç përcaktohet edhe në analizen 3.95/a. Cmimi është për 1 m³ dhe të gërmuar në kanale anësore të perfunduara e të matur në objekt sipas përcaktimit në projekt.

Ne zerin “Germim dheu eskavator zinxhir 0.5 m³ kanal b>2m”, perfshihen teresia e shpenzimeve te nevojeshme te punetorise, manovratoreve e makinerise qe do te perdoret per realizimin e ketij procesi sikurse percaktohet edhe ne analizen 3.101/b. Cmimi eshte per 1 m³ dhe te germuar per zgjerime e nivelime rrugeve perfunduar e te matur ne objekt sipas percaktimit ne projekt.

Ne zerin “Germim shkemb I coptuar eskavator zinxhir 0.5 m³”, perfshihen teresia e shpenzimeve te nevojeshme te punetorise, manovratoreve e makinerise qe do te perdoren per realizimin e ketij procesi sikurse percaktohet ne analizen 3.119/b. Cmimi eshte per 1 m³ shkemb te coptuar te grumbulluar ne shtreterit e perrenjeve te germuar e zhvendosur nga pjesa kaluese e rruges dhe e matur ne vend.

3. PUNIME SHITESASH

Ky seksion mbulon ndertimin e shtresave me zhavorr ose çakëll mbeturina gurore. Shtresat me zhavorr (çakëll mbeturina) 0-31.50mm (d=100 mm) ose zhavorr (çakëll mbeturina) 0 – 50 mm (d=150mm), do të quhen me tutje “nënshtresë”. Materiali i kësaj shtrese merret nga lumenjtë ose guroret ose nga burime te tjera. Kjo shtresë nuk do të përmbajë material që dimensionet maksimale të të cilit i kalojnë 50 mm (trashësia e shtresës përfundimtare 100 mm) ose 100 mm (trashësia e shtresës përfundimtare 150 mm).

Kjo shtresë duhet të ndërtohet vetëm me kusht që shtresa që shtrihet poshtë saj (subgradë ose tabani) të aprovohet nga Mbikëqyrësit të Punimeve. Menjëherë para vendosjes së materialit, shtresa subgradë (tabani) duhet të kontrollohet për dëmtime ose mangësi që duhen riparuar mirë. Materiali do të grumbullohet në sasi të mjaftueshme për të siguruar që mbas ngjeshjes, shtresa e ngjeshur do të plotësojë të gjitha kërkesat për trashësinë e shtresës, nivelet, seksionin tërthor dhe densitetin. Asnjë kurriz nuk duhet të formohet kur shtresa të jetë mbaruar përfundimisht. Shpërndarja do të bëhet me dorë. Trashësia maksimale e nënshtresës (subbase) e ngjeshur me një kalim (proçes) do të jetë 150 mm. Shtresa e ngjeshur përfundimisht nuk duhet të ketë sipërfaqe jo të njëtrajtshme, ndarje midis agregatëve fine dhe të ashpër, rrudha ose defekte të tjera.

Ne zerin “Shtrese zhavorri t=10cm perhapur e ngjeshur makineri”, perfshihen teresia e shpenzimeve te punetorise, manovratoreve e makinerise qe do te perdoren per transportimin e materialit ne objekt si dhe realizimin e detajeve te projektuara te ketij

objekti, sikurse percaktohet ne analizen 3.205. Cmimi eshte per 1 m2 zhavorr me $t=10\text{cm}$, perhapur e ngjeshur me makineri e perfunduar sipas projektit dhe e matur ne vend.

Ne zerin “Shtrese zhavorri $t=20\text{cm}$ perhapur e ngjeshur makineri”, perfshihen teresia e shpenzimeve te punetorise, manovratoreve e makinerise qe do te perdoren per transportimin e materialit ne objekt si dhe realizimin e detajeve te projektuara te ketij objekti, sikurse percaktohet ne analizen 3.205/1. Cmimi eshte per 1 m2 zhavorr me $t=10\text{cm}$, perhapur e ngjeshur me makineri e perfunduar sipas projektit dhe e matur ne vend.

4. PUNIME VEPRA ARTI

Ne zerin “Gabiona rrjet teli xingato $1\times 1\times 2$ ”, perfshihen teresia e shpenzimeve te punetorise, te angazhuar per realizimin e koshave me rrjet teli xingato, mbushjen me gure e lidhjen e tyre sipas permasave te prcaktuara sikurse percaktohet edhe ne analizen 3.333. Realizohet me gure lumi ose kavoje, duke vendosur lidhje ndermet tyre ne menyre radhore ne kosha prej rrjete teli xinguar forcuar me shufra hekurbetoni me permasa $1\times 1\times 2\text{m}$. Cmimi eshte per 1m3 kosh gabioni perfunduar e matur ne objekt.

Ne zerat “Tombino betoni Ø400, Ø500, Ø600,” perfshihen teresia e shpenzimeve te punetorise e makinerise qe do te perdoret per vendosjen tubave te betonit mbi shtrese zhavorri e betoni, lidhjen e tyre me llac cemento 1:2, sipas dimensioneve perkatese ne vendet e parashikuara ne projekt, sikurse percaktohet edhe ne analizat perkatese 3.363, 3.364 e 3.365. Ne cmim perfshihen edhe shpenzimet per blerjen e materialit e transportimin e tij deri ne objekt. Cmimi eshte per 1ml tubacione sipas llojit, te vendosur e matur ne objekt.

Per cdo paqartesi dhe problem qe do paraqitet gjat fazave te prokurimit apo edhe te zbatimit do te kontaktohet me investitorin dhe projektuesin e ketij objekti.

HARTOI
ING. ALI ÇOHODARI